

¡BOMBA!

Vimos la blanca fumata,
miramos hacia el balcón;
de pronto asomó León,
deseamos fe que arrebatá



K'UINTSIL

Edición de fin de semana, del viernes 9 al domingo 11 de mayo de 2025

CAMPECHE · YUCATÁN · QUINTANA ROO · AÑO 7 · NÚMERO 2473 · www.lajornadamaya.mx

K'AN ÁAKACH,

CHAN BA'ALCHE' YAJ U CHI'IBAL



OOHEL BRIDGET SPENCER

Ojéela'ane' u xch'upul áakachil le ku chí'ibalo'. Kaja'an tu noojol-lak'inil Estados Unidos, ba'ale' ku k'uchul xan tak tu jáal ja'ilo'ob Golfo de México tak Costa Rica, ts'o'oke' naats' u yila'al tu'ux yaan ja' yéetel che'ob ti'al u ta'akikubáaj.

Áakache' K'aank'an. K'ajóolta'an ich káastelan t'aan beey tábano amarillo, beey tu ya'alaj Jacqueline May Díaz, máax beetik u k'a'aytajilo'ob u múuch'kabil Desarrollo y Medio Ambiente, A.C.

Tu tsolaje' kéen xuulchajake' ku p'sik tak jump'éel centímetro u chowakil.

"U wiinkilale', u chúumuk yéetel u paach ooko'obe', k'an u boonil; ka'alikil u yook yaan táanile', boox. U yiche' k'as ch'ooj ya'ax, yéetel éek'kume'en t'óolo'ob. Le ba'alo'oba' leti'e' ba'ax beetik u jelpajal ti' u jeelo'obo'".

U mejenile', ku kuxtalóob ich ja', wa naats' ti'. Mejen bek'échtak yéetel saktak. Ku jaantik u kuuxumil ba'al ku káajal u k'astal.

Xbióloga Estela Díaz Montes de Oca tu tsikbaltaje' kex tumen jach uts u máan xik'nale', kéen nojochhajake' ma'atech u jach náachtal ti' u mejenil, ba'ale' kex beyo', ku máan u kaxt tu'ux u ts'u'uts'ik k'i'ik'el.

"K'an áakache' yaj u chí'ibal. U xiibile' ma'atech u beetik. Ku chí'ik wiinik yéetel yaj u yu'uba'al, ku siip'tal yéetel ku nich'laktal le tu'ux ku beetiko'", tu ya'alaj biólogo Fermín Chaidez Ochoa.

Maas suuka'an u péek kéen káajak u siistal K'iin yéetel kéen nookoychajak.

ESPECIAL: FAUNA NUESTRA | P. 42 TAK 43